

來變之幾熟孔子望見回攬其餽中而飯之食熟謁孔子而進之孔子起

曰今者夢見先君食絮欲饋頰回對曰不可向者埃煤入餽埃煤入餽中棄食不祥

因攬而飯之埃煤入餽又曰尹儒學御三年而無得焉夜夢受秋駕於師

明日往朝其師而謂之曰吾非愛道也恐子之未可予也今日將教子以

秋駕秋駕御法尹儒反走北面再拜曰今昔臣夢受之先為其師言所夢固秋

駕也謝承後漢書曰范式字巨卿與張元伯為友式仕郡為功曹後夢

元伯玄冠垂纓寢呼曰我死當以時葬永歸黃泉子不我忘豈能奔喪式

便馳往赴之袁宏漢紀曰温序為護羌校尉為隗囂所殺世祖詔洛陽

城傍為塚長子壽為印平侯夜夢序告之曰父客思鄉壽即棄官上書歸

葬皇甫謐高士傳曰相帝好老子之書夜夢見老子乃詔陳相為老子

立祠范曄後漢書曰蔡茂夢見太極殿上有三穗禾茂跳取之得其中

穗輒復失之以問主簿郭賀賀因離席慶曰大殿者官府之形像也極而

有禾人臣之上祿也取其中穗者是台之仁於字禾失為秩也旬月而茂

徵焉乃辟賀為掾續莫書曰鄭玄夢孔子造之曰起起今年歲在辰來

年歲在巳既寤以讖言合之知命當終有頃寢疾而卒辛氏三秦記曰

昆明池漢武帝之習水戰中有靈沼神池云堯時洪水訖停船此池池通

白塵原人釣魚於原綸絕而去魚夢於武帝求去其鉤明日帝戲於池見

大魚銜索帝曰豈非昨所夢乎取魚去其鉤而放之陸機晉書曰王濬

夢懸四刀於其壁上濬問主簿李毅毅拜曰夫三刀為州而今益一明府

其臨益州乎器具軍器部王隱晉書曰陶侃字士衡鄱陽人少漁於雷澤夢

背上生翅飛入天門見門非常不敢入而下後漢王延壽夢賦曰余夜

寢息乃有非恒之夢其為夢也悉覩鬼神之變怪則蛇頭而四角魚首而

鳥身三足而六眼龍形而似人羣行而輦搖忽來到吾前申臂而舞手意

欲相引牽於是夢中驚怒臆臆紛紜曰吾合天地之純和何妖孽之敢臻

乃揮手振拳雷發電舒戰遊光軒猛跌拂毅斫鬼魘捐魘魘荆諸渠撞縱

自打三頭撲魘憂扶憂囉博睥睨蹴睢盱爾乃三三四四相隨踉蹌而歷

僻隆隆磕磕精氣充布鞞鞞穆穆鬼驚魅怖或盤踞而欲走或拘孿而不

能步或中創而妣轉或捧痛而號呼奄霧消而光蔽寂不知其何故嗟妖